

紀文達公遺集

紀文達公遺集卷第二

孫樹馨編校

御覽詩

恭和

御製重華宮茶宴廷臣及內廷翰林用四庫全書聯句
復得詩二首元韻

紫霄丹地深嚴處忽共羣仙上

太清廣樂乍聞真似夢

御香遙染不知名穀辰喜應三陽暖壁府原占五緯明
聖治光華和氣洽定看邛僰早銷兵

恩被槐廳

雨露多鳳麟洲畔許經過慙非舊學三冬富空對陳編
萬卷羅玉枕仙槩真忝竊

瓊牋迄韻費研磨於今竟似東方朔聯句無如詰屈何

恭和

御製重華宮茶宴廷臣及內廷翰林等用天祿琳琅聯
句是日復成二律元韻

賡歌慶叶需雲樂煦育方逢木德仁青鳥一聲春信早
仙蓂三葉歲華新琳瑯法曲聽逾好縹渺瓊臺畫不眞
自託微臣本凡骨金鼇亦作從遊人

昨歲

殊恩逮下僚叨陪嘉宴又今朝汙青校字多慙向飛白
工書更愧蕭新月初三懸桂影芳辰十五近燈宵歸途
兩袖天香滿還聽康衢父老謠

恭和

御製紫光閣曲宴外藩卽席得句元韻

綏柔共識

聖恩寬曼衍魚龍許縱觀西極輿圖通赤坂北藩琛幣
越烏桓金莖挹露同沾醉翠釜傳餐總盡歡擬紀昇平
頌王會小臣筆力愧盤盤

恭和

御製寧壽宮落成聯句召大學士及內廷翰林等至重
華宮茶宴卽席成什元韻

民康物阜逢

昌運保泰持盈仰

聖忱

祕殿松雲開麗景高岡梧鳳入聯吟軒鏡叶樂常昭武
連日捷音還至促凌指日蕩平堯典傳心首重欽邁五登三真上理
天章猶自警難諶

廣樂鈞天奏九成羣臣載筆效歌賡蕭雲紛郁回青陸

瑞日光明耀紫清聯韻欣容隨內翰臣以外廷翰林得
預內宴實爲至榮

傳柑喜得從公卿昇平嘉宴今三預不盡涓埃矢報情

恭和

御製紫光閣曲宴卽席成什元韻

燕樂需雲啓上春獻琛爭看遠方人

禁林淑氣鳴青鳥太液

恩波潤紫鱗憇武古通功並賞冉驥邛筭座相鄰一時
都似隨陽雁北嚮剛逢斗建寅

恭和

御製紫光閣錫宴聯句召大學士并成功將佐及內廷

翰林等至重華宮茶宴得詩二首元韻

飛傳尺檄召渠豪萬里朝

天率偶曹服阜新徃西極馬獻賓爭看益州刀饌分神
鼎

恩光溥音叶仙璈樂意陶應識如今圖職貢成功都藉
聖心勞

震疊

威棱古未聞萬方共仰

睿謀勤邊庭頻奏平羌曲詞客無勞喻蜀文九伐
聲靈真赫奕億年歌頌永芳芬微臣幸得逢

昌運

采殿簪毫意倍欣

恭和

御製重華宮茶宴內廷大臣翰林等題四庫全書薈要
聯句並成二律元韻

大酉藏書開冊府長庚叶兆慶年華瑯環福地輝相映
闌苑春風樂孔嘉九奏欣聞儀鳳曲三清拜

賜瑞麟茶惟慙六載功方歲立辨無能在咄嗟

奎躔珠緯聚

昌時

文治精華盛若斯五度追隨真最幸七言詰屈自嫌遲
欣逢

聖主光榮渥渥羨儒生際遇奇惟有勤將鉛槧握藉編
摩作報

恩資

恭和

御製重華宮茶宴內廷大臣翰林等題快雪堂帖聯句
並成二律元韻

入律祥飈叶瑞符需雲

恩逮列仙儒班隨九棘承

天涯

臣班第十七綏九卿之後

味咀三清勝道腴法曲鏗鏘聞

舞樂

仁風溫煦聽

堯俞化成悠久逢

昌運喜氣盈庭有以夫

寶刻琳瑯耀

紫宮碑英不復數湘東珍函

宣賜前叨頤

香案聯吟此更同從晉訖元追矩矱由宮至羽紀初終

簪毫

采殿欣榮遇惟矢葵丹勵素衷

恭和

御製春仲經筵元韻

黼座談經開寶帙

彤墀陪列簇仙裾

恩光許近

金華殿

內閣學士例不得聽
文淵閣直閣事得觀大典

講臣幸

天語聞宣玉字書

七袞猶勤蒐璧府

建庫全書巨目鴻綱皆由

欽定每

乙夜親觀釐訂魚魯典學之勤實爲自古帝王所未有

萬方所仰拱

辰居從知

聖學心爲矩一體無分汝與予

是日御論大學絜矩之義

恭和

御製經筵畢文淵閣賜茶作元韻

書城初共羣才集歲籥今經八度移玉液分霑承

寵渥

例惟侍事校理

講諸臣

賜茶

是日併直閣

諸臣皆得蒙

賜蓋異數也

金根

多誤計功遲文章報

國思其職夙夜捫心省乃私七錄幸排名籍定

四庫全書總目

共編爲二百卷現已著竣擬於月望之前裝潢奏進

相規早奏汗青期

恭和

御製重華宮茶宴內廷大臣翰林等詠七十二候聯句
並成二律元韻

節候詳徵日令篇柏梁分韻似珠連四時斡運銀毫裏
萬象駢羅

黼座前溥鬯天機欣所遇靜觀物理會其全芳年共喜
春祺渥資始應知統以乾

羣工拜手詠蕭斯億萬同聲祝

帝基燕樂歡心真洽矣賡飈

昌運幸逢之

彤庭侍宴叨

深渥綵筆聯吟愧佞性得沐

光榮如小草願申葵藿報

恩私

恭和

御製仲春經筵有述元韻

源從帝夏溯皇春心矩傳留

聖

聖循仁且知斯爲備德哲而惠乃可臨民

七旬勤學天行健

五位居中治本

身

彝訓煌煌

親闡繹萬年道脈契原真

恭和

御製經筵畢文淵閣賜宴以四庫全書第一部告成皮
閣內用幸翰林院例得近體四律首章卽疊去歲詩
韻元韻

石渠初貯牙籤滿

金殿羣瞻

綵仗移芸笈霏香風細細花旣列幄日遲遲西崑舊記

笙簧盛東觀偏承

雨露私蹊讀

奎章恒企羨

乾隆甲子冬
御製幸翰林院賜宴詩勒石堂壁詞臣恒所瞻仰如今

幸慰素心期

銀榜璇題勢壯哉閣成專待奏書來十年編校纔粗歲四部源流幸略該玉楮難雕多曠日金根屢誤愧非材七回叨沃三清瑣自甲午以後臣凡七預重華宮內宴此度瓊筵又得

陪

羣仙珥筆效賡歌仰屬麟臺錦帙羅細別瑕瑜皆有取親操衡鑑匪由他

從心矩乃能如是合轍車寧間作麼萬卷菁華融妙理
自然禮樂建中和

錫宴晨曦輝藻井聯吟午漏報蓮籌天開壁府惟
今盛星聚奎躔有此不文露瑩於珠顆顆

恩波長似水悠悠陶陰方在刊三寫共效丹忱莫滯留

恭和

御製幸避暑山莊啓蹕之作元韻

古稀天子猶勤政

六御時巡仰健行纔省春耕自盤谷又修秋獮出

瑤京節過五日餘蒲艾

念切三農

問雨晴服阜飛黃

親御鞋瞻雲倍慰庶民情

恭和

御製過懷柔縣詠古元韻

聖主握天弧開拓黃圖頌

神武夙昔誦

宸章閉關曾斥漢世祖是非徒貴兵力強威足制之然後恩可撫所以去年

御製彈汗行特昭此義垂示於永久俾知近甸耕桑區

乃是開元以來兩蕃爭戰所茲來

靈輶巡歷里葩瑤

金枝又復

駐於此申明古今控御之得失相去不止相倍蓰數十年來蕩蕩乎化被無垠中外一家不復分人已仰稽其所由惟揆文奮武之得宜耳

恭和

御製命新授山東巡撫明興往查去歲被水州縣奏至

詩以誌事元韻

舜聰達萬里捷疾逾響報疴癩

坐照知不待飛章告先事豫綢繆振郵馳

丹詔履勘迹未周

明堂已渙號饋貧飽稻粱援衆出泥淖慈航資利涉彼岸倏然到但聞綠野歌未覺黃流滂

恩皆格外施夢想非所料爲政在養民虞典傳心要得爲

聖世民寧有哀鴻悼

恭和

御製出古北口詠事元韻

巖闢從古不輕開扈從如今任往來形勝相誇徒爾爾

帝王無外自恢恢叢祠剝落留詩板連弩依稀認戍臺
西起臨洮到遼水遺蹤祇足供詠咍

恭和

御製常山峪行宮三疊舊作韻元韻

六飛初出塞

行殿萬峯前

雲棟瞻天上星廬列水邊臨窓披畫卷

揮翰啓書筵地近如來館宋王曾行程錄有跋如來館計其道里當去常山峪不遠

途開

聖祖年

謹按聖祖時幸避暑山莊初由十八盤嶺一路後乃改從常山峪

山川蒙

眷顧花柳共清妍

宸賞多留詠千齡孰比肩

恭和

御製山雨元韻

剛是嘉禾望雨期
羣峯倏忽暮煙絲
流雲漸覺隨風合
甘澍行看應候滋
山澤已通方醞釀
耰耬未晚莫噫嘻
終須滿慰三農願
更擬抽毫敬賦之

恭和

御製至喀喇河屯用前作韻元韻

行過山程八日期
河橋煙柳冒鞭絲
錘峯北望青相接

灤水西來綠徧滋鳥似迎

鑾爭翩翩花如含笑亦嘻嘻

仙莊將近輕陰合灤道清塵信有之

恭和

御製山東巡撫明興報得透雨詩以誌慰元韻

嘉苗欲茂時

皇心方閔雨青齊積水餘尤

軫三農苦賑貸頻有加

恩膏霑已溥至誠通造化復報甘霖霑東遠岱嶽東滋
溉何其普會見河效靈水落見平楚鴻雁得安宅嶠崿

築萬堵

恭和

御製至避暑山莊卽事得句元韻

南連畿甸九星郵松漠原稱化外州

謹案歐陽忞輿地廣記凡宋所不能

有者昔謂之化外州

紫塞今瞻

仙苑啓黃圖久付史臣修

詞臣奉熱河志今已成書

莫言漢使

通茲未且問虞巡到此不却是

天心能保泰民寧民瘼更深求

恭和

御製重華宮茶宴廷臣及內廷翰林等職官表聯句復

成二什元韻

鶴班鸞序列師師六典分曹政所資直以睢麟運官禮
何須雲鳥費詢諮叨沾

雨露蒙

恩澤勉效涓埃念職司此日蓬萊陪燕樂進忠補過各
深恩

叨奉

編音志百官書猶未付棗梨刊功遲正愧編摩拙
恩重彌知報稱難翠管雲璈容側聽珉糜珠餉許分餐
惟期努力研青簡夙夜盟心敢自寬

恭和

御製春仲經筵元韻

七袞猶勤徵

聖學

萬年不息象

天行欣瞻

講幄開

春殿榮預便班忝夏卿

化洽從風昭大順

道符久照頌貞明

玉音宣示垂彝訓

心法端歸敬與誠

恭和

御製經筵畢文淵閣賜茶復得詩一首元韻

石渠初見聳嵬峩

自文淵閣落成後臣今歲咫尺瓊
叻侍經筵始得仰瞻

霽去幾何東壁圖書交絢映西墀黼佩儼羅

直閣校理檢閱

諸臣年例侍班西階之下花飄日耀光明錦雲液甌浮激灔波歸去

好誇

天上景瑤嬾仙夢記無訛

紀文達公遺集卷第二

紀文達公遺集卷第三

孫樹聲編校

御覽詩

恭和

御製重華宮茶宴廷臣及內廷翰林等五經萃室聯句
復成二什元韻

序啓蒼龍斗柄旋晴春

祕殿列瓊筵五星叶數祥光燦七字聯題

睿藻宣舊刻棠湖原寶貴同登

芸閣亦因緣小臣喜頌

文明盛吟到花瓢日影遷

四庫蒐羅預討論遺編多錄岳飛孫

岳珂所著書入四庫者五種

誰

知玉楮新詩外尚有金陀舊本存寶氣璘玢生棐几古

香醔醑滿

文軒仰欽

幾暇研精義獨契尼山意外言

恭和

御製雪

二月初七日

元韻

典學彌勤邇武丁

乾元行健運無停璧池特荷

天彰瑞花雪剛逢

帝講經宿麥均欣沾潤澤
菁莪先看長芳馨圜橋人士
都歌舞豈但賡颺徧

紫廷

恭和

御製重華宮茶宴廷臣及內廷翰林用五福五代堂聯
句復得詩二首元韻

紫殿簪毫列綺筵新春嘉祉喜聯駢祥鍾共說承餘慶
德盛原能格

上元

多壽多男欣此日肯堂肯構憶

當年攝提十紀從頭數誰似同堂

五代全

崑城十二望崢嶸暖律全消六出雲人愛晴暉知日永
花迎喜氣自春生運當正午年逢午

壽祝長庚月在庚擬頌昇平乏文藻仙漿愧飲露華清

恭和

御製重華宮茶宴以

開國方畧集成爲題聯句並成二什元韻

柏梁嘉宴共聯吟列坐齊將綵筆贊沾溉

恩榮羣志洽闡揚

謨烈

聖懷深崇墉牧野

功遙溯

堯戒湯銘

意倍欽拜手同聲頌繩

武天衢

日月宛高陞

權衡三五細評量邁古寧祇萬倍強此日揮毫歌

創業昔年

秉鉞憶

當陽有光

前緒真無忝猶切

沖懷警益癢

聖製煌煌耀星漢

臣惟稽首詠

唐皇

恭和

御製紫光閣賜宴外藩作元韻

龍沙萬里震

威棱秦朔朝正舊典仍日暖瀛洲分布席春生太液欲

銷冰綏柔共識

皇恩溥燕樂同欣

愷澤承多少名王齊獻

壽惟歌

景福似川增

恭和

御製重華宮茶宴用戡定安南封黎維祁爲國王功成
聯句是已復得二律一韻元韻

露布聞時曲宴開經文緯武

道兼該炎方申討今全定

春殿聯吟此幸陪臣自甲午以後叨預者凡十三次此次恭逢
揚威寧域外爲史冊未聞之盛事得
與內廷諸臣珥筆廣贊尤爲榮幸

周祐無疆奏皇矣

虞廷有慶詠康哉禪瀛內外陽和徧總是

天工裁者培

朱垠三面海天開緬甸遷羅濱海西南臺灣東南安南濱海之南王會丹青

已盡該暹羅諸國舊列職貢圖中上年九月復為緬甸使臣補入於是日月所照莫不確屬矣緜

國新聲先上獻緬甸使臣陪宴萬樹閣以其國樂器五種合奏以抒歡忭之誠鯁人

珍籠亦趨陪臺灣生番自古不通中國茲於平定林爽文後咸願歸王化於上年十二月適

與選羅貢使接踵至京南交今又重封矣北戶何殊內域哉昨歲

春官鈔謝

表駢詞親見頌

滋培

外藩
表駢

表文例下禮部昨歲臘月傳鈔黎維祁謝

四儀六詞極恭謹其感激再造之意剴切

真摯言出至誠視前明之僅受
羈縻者相去不啻萬萬倍矣

恭和

御製賦得規圓矩方得循字元韻

法象符天地裁成利庶民程工昭物曲作範比人倫器
自前王制模爲奕代因徑圖形有準句股算能真通變
心雖巧方圓式必遵量材生尺寸積數得和鈞細瑣該
周折縱橫括廣輪還如垂

聖教萬世永欽循

恭和

御製啓蹕幸避暑山莊卽事得句元韻

行健如天度不差

北郊禮後

御龍車

每年五月在五月末

北郊後

啓鑾今歲夏至在閏五月月初仍符曩例

勤修典制真無逸仰識

康彊倍有加三宿遲留勞

軫念九達平治感

褒嘉

恩膏已似依旬雨滿慰甌窯望歲奢

恭和

御製出古北口元韻

黃圖東北連松漠此地檀州有故關留幹嶺橫千仞上

多延衛指萬峯間

熟河在前明爲多延衛地多延舊作朵顏薩遜

韓已隸藩封久徐達何勞版築艱

遜北長城乃明洪武中徐達所修今中外

一家無勞烽戍併潮河衝圯之歲歲水口亦奉旨久停葺補矣

時巡度

清蹕好山無數好雲閒

恭和

御製雲南巡撫譚尚忠奏報麥豆收成詩以誌慰元韻
地遠路僂遲還同近不遺奏章來萬里

屢念已多時足食邊方樂

摛毫

聖志怡

殷勤三致意民者

國之基

恭和

御製至避暑山莊卽事得句元韻

一到

仙莊慰

聖情南蕃悔過已求生龍公擬遣郵筒遠風伯先吹驛
路晴卽看降書金葉捧同霑

御宴寶卮盈

披章豈但

天顏喜扈從人人抃舞并

恭和

御製永佑寺瞻禮元韻

虔秉

貽謀運

睿謀南交西旅

掌中籌同時各佈心誠懇重譯無辭路阻修

兩聖在天應有喜百王此日是真酬

唐太宗擒一頡利
遠有雪耻酬百王

之詠殊爲溢量我
金川服纏甸今安南阮惠西番巴勒布又皆歸誠

聖武遠揚度越萬古真
足以當此語而無愧矣麟臺又合編

方畧擬請

批章次第褒

恭和

御製鑑始齋元韻

古云無逸多延年蓋言厯久如其始

臣嘗踴讀

寶聖文猶日孜孜恒不已

奉運方亨勤保持

乾綱獨握無旁委敬慎必恭恭則壽
敢以斯銘頌

天子

恭和

御製西峪元韻

虬根蟠結皴蒼鱗

堯棟松生不記春炎暑頓消一彈指凡囂相隔幾由旬
雕疏軒豁虛延爽清籟紓徐淨掃塵邊圉牧寧雨暘若

幾餘勝賞自頻頻

恭和

御製題秀起堂元韻

暢引

吟情翠滿堂
嵐光樹色迴
殊常數峯奇似雲
生夏五月秋
疑律應商拈句最宜山
蘊藉披襟恰稱地
清涼誰知聖主精勤意
一息籌邊到遠方

恭和

御製留京王大臣奏報得雨詩以誌慰元韻

甘膏三寸慰農人
屈指重霑恰一旬
天雨晴如知節候

關南北不限畦畛禾麻被隴局鋤徧蓑笠行歌入耳頻

共說溫和逢七穀占豐原記月當寅

古以正月七日爲人日河間一帶里

諺則云七穀八麥九稟十菜其日溫和則是物必收往
往有驗今年正月七日溫和田家早知豐登之兆

恭和

御製福建總督伍拉納驛報漳泉續得透雨詩以誌慰

元韻

梯田土易乾霑濡亦易透

福建山多田少居民每壘土於山坡層層鱗次謂之梯田

其田無雨易乾得雨亦易霑足石底不滲故也得雨則必豐喜晴飛章

奏適與畿甸報接踵如相湊

聖主軫民依纖悉皆詳究滋生度所宜早晚籌其候行

看炎海畦被野嘉禾茂但慶歌盈寧無須勞補救西成
告有秋更與

天心副

恭和

御製山莊卽事元韻

佛界地清涼

宸遊歲歲常濃嵐時一眺炎暑頓全忘消夏

皇情暢勤民

睿慮長向來

無逸意日昃未曾遑

恭和

御製蓮元韻

亭亭出水滿汀開初日芙蓉若此哉時對吟詩謝康樂
方知雕績是麤材

澹沱晴煙暮水低紅衣翠蓋望中齊雙湖夾鏡臣會見
絕勝江南罨畫溪臣以排放次書幸出入文津閣四庫全書御園得瞻仙景

恭和

御製遊獮子園元韻

芳林清曉露初乾

黃纖迢迢陟翠巒信彼南山長拱衛仰惟

穆考舊

遊觀參差煙樹開圖畫上下仙禽弄羽翰

親定薰風新樂譜遙知

坐對萬峯彈

朱載堉樂律全書所載南風之詩參差清雜仰蒙皇上刪定以還解阜之元音

恭和

御製題宜照齋元韻

路繞獅峯

玉輦旋又看蒼翠滿胸前東南日轉時猶早

西北門通路最便好景怡

情龍雨霽

清吟引興窮煤研澄懷觀物瑩

心鏡四大州中總洞然

恭和

御製山西巡撫海寧奏麥收九分有餘並雨水情形詩
以誌慰元韻

晉水章馳奏參墟麥已收兼聞甘澍溥早看晚禾稠此
雨真堪喜其徵是曰休籌車矧並滿足慰野人求

恭和

御製六月朔日作元韻

八表精勤倍有增

眷懷農事意頻仍宜乾宜潤期相濟時雨時陽儼可憑
按候而占

心最切依旬以至理原應推移無滯因乎物寧與陰晴
判愛憎

恭和

御製將軍鄂輝等奏廓爾喀歸順實信並班師回藏事
宜詩以誌事元韻

靈夔聲震已旋兵天馬東來問驛程

駕馭有方斯制勝畏懷兼至自攄誠平其市易因其服
隸我輿圖卽我氓中外一家全

螭首安居莫更意怦怦

恭和

御製題澄觀齋元韻

作善延祥古所稱

璇題三字永因仍

天懷朗澈原旁燭

祖訓貽留更敬承

久照自然其狀悉

至明誰敢以機乘雨餘山水清暉映正似富幾萬象澄

恭和

御製治漕元韻

治法在治人實功收實效

九重操預籌萬舶爭先到是惟疏濬勤

擘畫得其要云何慾壑深不避危機蹈邊計石稱廉竟似泉名益嚴申司寇法用示貪慄報雨露與雷霆均屬

天垂教

恭和

御製觀瀑元韻

紺字構崇巔望之猶未到惟見翠巖曲湧現黃山瀑垂虹挂雲松飛練曳霞嶠偶爲靜坐觀自得無聲妙

睿賞契希微超悟瑩然照

恭和

御製補詠安南戰圖六律元韻

嘉觀誦訛之戰

扶危戡亂拯孤斃自古王師有四征阮未逢侵先搆釁
黎緣失國遠求兵驍騰飛將分途入零落遺民夾路迎
五百靈夔齊震吼奇鶴早已噤無聲

三異柱右之戰

生俘叛黨到旌門伏鑽緣辜

聖主恩瘴霧重遮搜密筈蠻煙一掃剩虛村中山狼悔

心空負東郭
覩無路可奔三隊合圍皆猛士
樓船徑擬斬盧孫

壽昌江之戰

三重天塹齒連脣更比龍門是嶮津
纔扼危橋衝白浪誰知短筏過朱垠
蒼茫五里乘深霧撥刺雙橈勝小船
睹此神兵真駭絕全如一葦渡江人

市球江之戰

力取何如以智攻運籌恰與

聖心同出奇妙合兵機巧扼險難誇地勢雄避實擊虛
從間道明修暗度奏殊功鉤援但解摩堅壘未數詩人

頌伐崇

富良江之戰

小舸潛兵策最良橫江不藉駕餘皇

天心適與分興廢師律寧因有否臧萬古濤聲思戰鬪
四時祠宇薦甘芳交州今亦吾疆土領郡何須付史祥
阮惠遣姪阮光顯入覲賜宴之圖

靈臺偃伯已旋兵萬里降王效悃誠九譯無辭修職貢
三呼恰值祝

祥禎早看表付陪臣奏更乞身隨屬國行酒醴笙簧
恩似海南交草木亦知榮

恭和

御製紫光閣賜宴卽席得句元韻

化洽東西暨朔南山瞰海澨

聖恩覃貢獒獻雉程途遠稽首稱觥禮數諳

軒鼓於今真徧震顏圖見此定多慙小臣

額手惟呼

萬歲三

恭和

御製新正重華宮茶宴廷臣及內廷翰林用八徵耄念之寶聯句復得詩二律元韻

乾乾無息比天行溥慰臣民頌祝情五數重週羲晝行
八徵時

念洛書呈西庚直歲占

多壽南極陳詩驗至誠

前歲安南使臣阮有聃恭和御製詩有日暖花開阮至誠

之句今其使臣阮宏匡等恰以正月初五日至京蒙

恩令與蒙古回部王公及朝鮮琉球暹羅廓爾喀使臣俱入紫光閣宴東西南朔均以新

壽觥允爲會歸之極盛中外化成歸

久道總由得一以爲貞

家法欽承

舊訓遺後先疊矩復重規十華刻玉初

成記五老呈圖恰告期

日月升恒

天福永笙簧燕樂衆心怡蓬萊歲歲叨春宴今歲懽欣更倍之

恭和

御製節前御園賜宴席中得句元韻

月初旬接月中旬春宴傳柑

慶賞頻

八袞正逢開歲始五筵恰會獻琛人瑤觴

手賜

恩真渥

黼座環瞻意倍親溥治歡情齊效祝

天心中外本同仁

恭和

御製元旦試筆元韻

五五河圖二氣交週而復始啓天苞數乘以九符乾運
陽盛於三應泰爻

德本健行恒不已

心因久照鑒無清

延年有道惟勤勵寧藉金丹問大茅

恭讀文

御製詩每深斥神仙之旨

說而惟以勤民勵政爲本務仰見聖鑒高明獨深契無違延年之旨

曼壽延洪由

大德煌煌

謨訓勒瑤編

乾規坤矩皆同度帝夏皇春此並肩

醸化涵濡成

久道

淵懷咨儆似初年臣工仰瞻

精勤意撫已能無共惕然

恭和

御製新正重華宮元韻

祕殿新年

賞物華松雲棟臚勝仙家纔開魚鑰春先到

是日立春
禮臣奏順

天府尹恭
進春山

暇拂鸞箋

興倍賒迎歲宮梅猶爛漫向陽苑草早萌芽拜屬惟祝
延洪壽長此聯吟此

賜茶

恭和

御製新正重華宮茶宴廷臣及內廷翰林用洪範九五

福之一日壽聯句並成二律元韻

祥占南極從

天錫春共東風應律來

壽寓無疆欣益廓

福基已厚更深培八徵符契

宸章闡四得根源

聖諭該

堯舜延年知有自虞書心法在欽哉

柏酒歲朝纔獻歲蓬山春宴恰迎春箕疇五福增

洪算羲畫三陽啟令辰雁磧遙傳人壽考

蒙古阿爾台烏梁海兵丁

默多爾親新以一百三歲賜姓爲禮官舊例所未有螺舟不避路遠迎王鄭華

遣使恭祝
萬壽以海道阻風貢舶遲滯
軫恤諭令緩程以新正元會前至京容申向日之
忧益著添炎風朔雪皆歸極錫保寧惟九域民
籌之兆

恭和

御製題文源閣元韻

四庫編摩今再歲萬年訓典此常存共知
衡鑒真詮在益向詩書夙好敦圖籍支流分甲乙文章
氣運會貞元小臣忝預簪毫列自愧沿波未討源

恭和

御製紫光閣賜宴外藩卽席得句元韻

上苑風光近早春羣藩畫接列芳茵傳觴

宣賜皆旁逮獻

壽抒誠許共申萬里梯航南暨北一時採費舊兼新從知

醴化周中外歲歲來賓祝

聖人

恭和

御製新正重華宮茶宴廷臣及內廷翰林用洪範九五福之二曰富聯句復成二律元韻

春殷聯吟拜

賜茶同將富有頌

重華九陽幹運週仍始百產蕃昌邇遠遐

天佑方申宜

受祿民財久阜更防奢八徵

耄念祥徵叶錫保從來驗不差

龍沙西北呈琛至鯨海東南納貢來雪嶺未知歸禹貢

雷硠終使畏軒臺長驅迅倍驅山鐸

坐照明逾照世杯剋日星郵馳露布

彤墀申賀更趨陪

恭和

御製紫光閣賜宴外藩作元韻

八極同瞻

日月光瓊筵列坐盡名王白環使怡呈降表丹穴人兼
侑

壽觴雲液分霑均頌

德

星弧久震敢矜強

聖皇功大心彌劭猶自孜孜日益饗

恭和

御製新正重華宮茶宴廷臣及內廷翰林用洪範九五

福之三曰康寧聯句復成二律元韻

康寧克受

皇穹眷因以康寧四海人絕域喜皆知奉表遠藩誰敢
自稱賓交問和會歡方洽

杂殿賡歌樂更陳記取今年茶宴盛春王正月日壬寅
建極斯能洪斂福九疇至理可微參

十全功業真無兩

八袞康彊又過三保佑宜歌周雅什禮祥足斥宋空談
永樂大典載有宋仁宗洪範政鑒全部語涉譏諷曾經御題抉摘其非盈庭獻頌非多
頌以管闋天尚自慙

恭和

御製新正紫光閣賜宴外藩作元韻

戰圖滿壁

武功宣

麟閣丹青迹炳然
廄脫多年全撤障爻間每歲共登筵

稱觴獻

壽瞻

天咫航海梯山西地圓

金川年班士司及朝鮮琉應識球貢使皆蒙恩入宴

坤輿歸砥屬皆緣

睿畧本洪淵

恭和

御製新正重華宮茶宴廷臣及內廷翰林用洪範九五
禱之四曰收好德聯句復成二律元韻

天弧下射勢原便十度長歌奏凱篇襟侏兜離添清樂
每逢筵宴備陳準部同部安南緬甸諸樂近增廓爾喀樂尤亘古之所未聞
東西南北罷防邊

詩章誌喜

瓊牋富奏捷獻俘諸詩備載

御製諸集

方畧成編錦帳連平定諸處

欽定四庫全書

方畧並編

七德昭宣輝四庫記曾恭錄校讎焉

升恒久照治功成

宵旰勤勞倍勵精

賜茗初開新歲宴

題詩仰見

聖人情數符列宿

蒙

分擘

句者二十八人

恩預聯

榮比登瀛

句

載賡

蒙宴者十八人

惟祝

在行天不息萬年長

頌泰階平

恭和

御製紫光閣賜宴外藩並荷蘭國使臣作元韻

十全人已頌

成功

威懼遐荒到太蒙玉帛來趨元日會車書喜見萬方同
瓊筵列坐驩心洽仙液分沾樂意融應識八紜歸一統
權衡駕馭在

皇衷

恭和

御製新正重華宮茶宴廷臣及內廷翰林用洪範九五
福之五曰考終命聯句復成二律元韻

春迎歲籥陽開泰斗運天樞

聖法乾

五位居尊縣

五代三章積算又三年

謹案算術以十
九年爲一章

同登

壽寓原非偶

臣在禮曹見各省以百齡人瑞請旌者每歲有加始不可殫數

溥洽驩

心信有然昨見東瀛增

賀表

今歲朝鮮國王增進貢

亦欣諸福

帝皆全

威留遐陬向化誠近如枰上計輸贏遂令海舶風乘便

亦似山呼地效祿

荷蘭隔重洋入貢波恬風利迅抵澳門遂以臘月至京得預六十年之春

宴咸謂天假之
便昭我大同

日月升恒聽頌作笙簧燕樂慶

功成從知綺甲重週後元又循環起自貞

恭和

御製賦得臨風舒錦得當字元韻

句似臨風錦鍾嶧舊表揚僉云潘所作足與陸相當此語從江左其傳到晚唐豈知文有本不以麗爲長

睿鑒儀璣照

元音金石鏘浮華箴俗學

彝訓仰

宸章倚岸滋方潤璇源祕自彰由來求載道理蘊溯中

藏

紀文達公遺集卷第三